



REPUBLIKA E SHQIPËRISË
ENTI RREGULLATOR I SEKTORIT TË FURNIZIMIT ME UJË DHE
LARGIMIT E PËRPUNIMIT TË UJËRAVE TË NDOTURA
KOMISIONI KOMBËTAR RREGULLATOR

VENDIM

Nr. 46, datë 10.11.2023

**PËR
FILLIMIN E PROCEDURËS PËR SHQYRTIMIN E APLIKIMIT PËR NDRYSHIMIN E
NIVELIT TARIFOR TË SHOQËRISË UJËSJELLËS KANALIZIME VLORE SH.A**

Në mbështetje të nenit 13, 14, 21 dhe 22 të ligjit nr. 8102 datë 28.03.1996 "Për kuadrin rregullator të sektorit të furnizimit me ujë dhe largimit e përpunimit të ujërave të ndotura", i ndryshuar (**ligji nr. 8102**), vendimit të Komisionit Kombëtar Rregullator nr. 539, datë 30.12.2021 "Për miratimin e metodologjisë dhe procedurës për miratimin e tarifave të shërbimeve ujësjellës kanalizime" (**vendimi i KKRR nr. 539**) dhe vendimit të Komisionit Kombëtar Rregullator nr. 28, datë 23.06.2023 "Për shtyrje afati të aplikimit nga shoqëritë ujësjellës kanalizime për tarifa të ujit të pijshëm dhe ujërave të ndotura për vitin 2023", i ndryshuar (**vendimi i KKRR nr. 28**),

Komisioni Kombëtar Rregullator,

në mbledhjen e datës 10.11.2023 pasi shqyrtoi informacionin Nr.385 , datë 08.11.2023 e paraqitur nga Drejtoria Tekniko-Ekonomike dhe Drejtoria Juridike dhe Konsumatorit mbi kërkesën e Shoqërisë Ujësjetllës Kanalizime Vlorë sh.a. për miratimin e ndryshimit të nivelit tarifar për shërbimin e furnizimit me ujë dhe largimit të ujërave të ndotura,

Konstatohet se:

1. Komisioni Kombëtar Rregullator (KKRR) me vendimin nr. 245, datë 02.06.2022, "Për licencimin e Shoqërisë Ujësjetllës Kanalizime Vlorë sh.a." ka licencuar shoqërinë UK Vlorë për ushtrimin e veprimtarisë së grumbullimit dhe shpërndarjes së ujit për konsum publik dhe largimin e ujërave të ndotura për një afat 4 vjeçar.
2. Shoqëria Ujësjetllës Kanalizime Vlorë sh.a. me shkresën nr. 2257 prot. datë 29.09.2023, me lëndë "Kërkesë për nivel të ri tarife për shërbimin e furnizimit me ujë të pijshëm dhe largimin e ujërave të ndotura" ka paraqitur kërkesën pranë Entit Rregullator të Sektorit të Furnizimit me Ujë dhe Largimit e Përpunimit të Ujërave të Ndotura (ERRU) për rishikimin e nivelit tarifar për shërbimet ujësjellës kanalizime.
3. Në zbatim të pikës 1/c të nenit 13 të Metodologjisë dhe procedurës për miratimin e tarifave të shërbimeve ujësjellës kanalizime Shoqëria Ujësjetllës Kanalizime Vlorë sh.a. me shkresën nr.

2336/1 prot. datë 06.10.2023, me lëndë "Saktësim i dokumentacionit për dosjen e aplikimit të tarifës", ka dërguar dokumentacionet plotësuese.

4. Në zbatim të pikës 1 të nenit 10 të Metodologjisë dhe procedurës për miratimin e tarifave të shërbimeve ujësjellës kanalizime, shoqëria UK Vlorë në aplikimin për ndryshim të nivelit tarifar duhet të paraqesë dokumentacionin e mëposhtëm:
- a) Kërkesa zyrtare drejtuar ERRU për ndryshimin e tarifave për shërbimet ujësjellës, kanalizime dhe ITUN;
 - b) Pasqyrat Financiare të vitit paraardhës certifikuar nga një Ekspert Kontabël i Autorizuar;
 - c) Plani 5 Vjeçar i Biznesit, ku të paraqitet edhe programi investimeve dhe aseteve të reja, i cili do të hartohet në përputhje me formatin e aprovuar në këtë metodologji nga ERRU, që është i detyrueshëm vetëm për grupin e shoqërive që tentojnë të mbulojnë 100% të Kostove Totale;
 - d) Modeli i aplikimit për nivelin e ri tarifar. Të gjitha tabelat e modelit paraqiten të printuara dhe të firmosura nga shoqëria dhe sipas formatit Excel të miratuar nga ERRU;
 - e) Organigramë dhe përshkrimet e punës së stafit sipas pozicionit të tyre;
 - f) Aktmarrëveshjet e kredisë midis shoqërisë dhe institucioneve kredi dhënëse, në rast se shoqëria është financuar me Hua dhe skema e planit mujor të shlyerjeve gjatë viteve të kaluara dhe viteve të ardhshme;
 - g) Mendimin e Pushtetit Vendor për tarifën e propozuar të shprehura në vendimin përkatës dhe konfirmuar nga Prefekti i Qarkut për legjitimitetin e tij;
 - h) Vendimi i Këshillit të Administrimit për miratimin e tarifave të propozuara;
 - i) Proces Verbal i Seancave Dëgjimore me Publikun sipas formatit të përcaktuar nga ERRU;
 - j) Subvencionet e përfituara nga operatori dhe ato të nevojshme gjatë periudhës rregullatore të tarifave të propozuara;
 - k) Lejet ose Autorizimet për përdorimin e ujit për shoqëritë UK lëshuar nga Këshilli i Basenit Ujor të shoqëruara me Marrëveshjen ndërmjet shoqërisë UK dhe KBU për pagesën e tarifave për përdorimin e ujit;
 - l) Raport i detajuar për gjendjen teknike të sistemeve të furnizimit me ujë dhe kanalizimeve të ujërave të ndotura, në të cilën të përshkruhet inventari i aseteve në përdorim të shoqërisë me të dhëna teknike (përmasat, lloji i materialit, vitit të instalimit/ndërtimit), përfshirë dhe prioritetet për zëvendësimin e tyre. Ky material do të hartohet sipas formatit të përcaktuar nga ERRU;
 - m) Relacion analitik ekonomik për vitin paraardhës, si dhe për periudhën rregullatore që kërkohet ndryshimi i tarifave, në të cilën shprehet qartë justifikimi dhe argumentet përkatëse dhe objektivat e shoqërisë për përmirësimin e treguesve të punës;
 - n) Në rast se shoqëria aplikon për tarifë shitje uji me shumicë, në kërkesën e saj për tarifa duhet të paraqesë: relacion teknik dhe ekonomik me llogaritjet e tarifës së shitjes së ujit me shumicë, miratimin e tarifës së kërkuar nga organet drejtuese si dhe akt marrëveshjet midis palëve shitës-blerës;
 - o) Të ketë shlyer detyrimet për pagesën rregullatore sipas kontratës së nënshkruar midis ERRU dhe shoqërisë dhe në rast të detyrimeve të prapambetura të ketë shlyer sipas marrëveshjes së nënshkruar mes tyre për shlyerjen me këste të tyre;
 - p) Deklarata për vërtetësinë dhe saktësinë e të dhënave sipas nenit 26 dhe nenit 46 të kësaj metodologjie.

5. Me shkresë Nr. 2061, datë 08.11.2023 me lëndë “Kërkesë për shtyrje afati për plotësim dokumentacioni” Agjencia Kombëtare Ujësjellës Kanalizime (AKUK) kërkon shtyrjen e afatit deri më datë 30.11.2023 të dorëzimit të dokumentit të vendimit të këshillit bashkiak për shoqërinë Ujësjellës Kanalizime Vlorë sh.a për tarifat e propozuara.

Për gjithë sa më sipër, Komisioni Kombëtar Rregullator pasi mori në konsideratë kërkesën e AKUK për shtyrjen e afatit të dorëzimit të mendimit të pushtetit vendor Vlorë deri më datë 30.11.2023 dhe pasi arriti në përfundimin se për pjesën tjetër të dokumentacionit aplikimi i shoqërisë UK Vlorë sh.a është i bazuar ligjërisht dhe plotëson kërkesat ligjore të pikës 1 të nenit 10 të Metodologjisë dhe procedurës për miratimin e tarifave të shërbimeve ujësjellës kanalizime,

VENDOSI:

1. Fillimin e procedurës për shqyrtimin e aplikimit të Shoqërisë Ujësjellës Kanalizime Vlorë sh.a për miratimin e ndryshimit të nivelit tarifor për shërbimet ujësjellës kanalizime.
2. Në rast mosdorëzimi të mendimit të pushtetit vendor Vlorë deri më datë 04.12.2023 aplikimi i UK Vlorë sh.a për nivel të ri tarifor për shërbimet ujësjellës kanalizime refuzohet.
3. Ngarkohet Drejtoria Tekniko-Ekonomike për njoftimin e shoqërisë Ujësjellës Kanalizime Vlorë sh.a. për marrjen e këtij vendim.

Ky vendim hyn në fuqi menjëherë.

Ky vendim botohet në Fletoren Zyrtare.

KRYETARI

Ndriçim Shani